

AGENDRE TRINITATIS

MINGGU 02 JUNI 2024

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 5**

5. SUNO YEHOWA

do = f 3/4

MM = 96 - 104

- Suno Yehowa, Ya ' ia Zala'wa zorugo.
Tödögu suno Yehowa sokhö fa ' ebua.
Mi' ae manö niha sato sanunö.
Da' ö zomasi Yehowa.
- Suno Yehowa, Ya' ia zomböi si so fefu.
Me Irorogö mbotoda awö wa' aurida.
Ibe' e na wa' omuso dödöda, andrö da tasuno Ia.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452**Haleluya..... Haleluya..... Haleluya.....****SA** : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 231

231. TOBALI ERE ZO' AYA 1

do = es 6/8

MM = 96 - 104

1. Tobali Ere Zo ' aya, sangorifi ya ' ita.
Ya ' ia zondrara tödö, ba gabula dödöda.
Manunö mala ' ika, ba wanuno So' aya.
No fondrege zi sökhi, wa ' omasi - Nia.
2. Ha Yesu zame' e aefa, khöda ngawalö zala.
Ta' ombakha' ö horöda, tasao' ö föna-Nia.
Reff: Manunö mala' ika,

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödö khögu,
6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.
7. Böi tötoi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödö luu wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luu wolombase khö Lowalangi Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.
13. Böi ange'e.
14. Böi ohorö.
15. Böi anagö.
16. Böi böbögö khö nawöu zi lö duhu.
17. Böi isö nomo nawöu. Böi isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he öröbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

: Da tafondrondrongo daroma Li Lowalangi, tehalö moroi ba zura **Matai'o 10:16-28**

16. Hiza, ufatenge ami, hulö mbiribiri, ba hunö nasu gatua. Andrö ya'onekhe ami, si mane ulö ba ya'atulö ami, si mane marafadi.
17. Ba mi'angelamaisi niha; la'ohe sa dania ami ba rafe, ba ba zekola khöra, labözibözi dania ami.
18. Ba ba gumandru ba ba razo te'ohe ami, börö ndra'o, ba wamaduhu'ö khöra ba ba niha baero.
19. Ba na labe'e ba dangara ami, ba böi mi'abusi tödö he miwisa ba hadia niwa'ömi; tebe'e sa khömi dania, ba da'ö sibai, hadia niwa'ömi.
20. Tenga sa ya'ami zihede, Eheha Namami andrö zihede, na humede ami.
21. Ibe'e dania nibunu dalifusönia niha, ba ibe'e nibunu nononia ama, ba maoso ndraono, udu ndra amara, labunu.
22. Ba dozi ira dania fa'udu khömi, börö döigu. Ba sanau ölö, irugi gamozua, da'ö ni'orifi.
23. Ba na lagohi ami ba mbanua si sambua, ba mi'oloi, misa wa mbanua bö'ö. Si ndruhu niwa'ögu khömi: Lö fakhamö mi dozigö mbanua Ndraono Gizeraëli irege so Nono Niha.
24. Tenga sebua moroi khö zamahaö nifahaö, ba tenga sebua moroi khö zokhö ya'ia zawuyu.

25. Abõnõ sa'ae khõ nifahaõ, na tobali faoma ira zamahaõ ya'ia, ba na faoma ira zokhõ zawuyu. Na no labe'e tõi zokhõ omo Mbelesebu, ba tenga mendrua manõ lamanõ gõi ba zoroiyomonìa?
26. Andrõ bõi mi'ata'ufi ira. Lõ'õ sa hadia ia nibalugõ, si lõ tefa'ele'õ dania, ba lõ nibini'õ, si lõ aboto ba dõdõ dania.
27. Hadia niwa'õgu khõmi ba zogõmigõmi, ba niwa'õ ba zohaga; ba hadia nirongomi tõgi dalingami, ba mituriagõ ba mbawa duwutuwu.
28. Ba bõi mi'ata'ufi zamunu boto, si tebai mamunu noso. Ba mendrua manõ mi'ata'ufi zangila mamakiko noso, fabaya boto, ba narako.

Ya'ahowu zamondrongo taroma li Lowalangi ba same'e ba dõdõ.

SA+SATO : Yaduhu

8. FASÖMBATA

SA : Iada'e tebe'e khõda ginõtõ ba wolohe fasömbata si sambua ni'ofulu khõ Lowalangi. Nidõnia'õ Pdt. Pengkhotbah

SA : Iada'e tebe'e khõda ginõtõ ba wolohe fasömbata khõ Lowalangi. Ta'osamuzaigõ wame'e, he fasömbata si fõfõna, ba simanõ gõi zi mendrua awõ zi medõlu, sifao fangowuloi fasombata sanandrosa ba Komisi Ibadah & Evangelisasi. Ba si fõfõna ua da tafondrongo Li Lowalangi me imane:
❖ Same'e sumange fangandrõ saohagõlõ, da'õ zamolakhõmi Ya'odo, ba zi lõ sinegu ba mbuabuanìa U'orama'õ wangorifi andrõ khõ Lowalangi.

SA : Tafã'ema wasömbata khõ Lowalangi, manunõ ita moroi ba Mbuku Zinunõ **Numero 257**

257. DA MA' OHE KHÕU ZUMANGE ¹

do = d 4/4

MM = 69 - 74

- Da ma' ohe khõ-U zumange fasömbata soroi dõdõ
fõfõ mbuala-Mõ khõma ba zilalõ.
Reff: Ma be' e khõ-U wasömbata fangebua mbanua-Mõ.
Tema ia ba wa' omasi-Mõ So' aya.
- Da ma' ohe khõ-U zumange fasömbata soroi dõdõ.
Botoma ma' asambua niwõwõi-Mõ
Reff: Mabe' e khõ-U wasömbata
- Da ma' ohe khõ-U zumange fasömbata soroi dõdõ.
Nosoma ba fa' aurima soroi khõ-Mõ.
Reff: Mabe' e khõ-U wasömbata
- Da ma' ohe khõ-U zumange fasömbata soroi dõdõ.
Tõdõ ba era' erama no ta' unõ.
Reff: Mabe' e khõ-U wasömbata
- Da ma' ohe khõ-U zumange fasömbata soroi dõdõ.
Sinunõ ba fangandrõma no oi ambõ.
Reff: Mabe' e khõ-U wasömbata

Na no awai la'owuloi/lafa'ema wasömbata, ba owulo tanõ furi zangowuloi Fasömbata, lafendrongagõ wolohe fõna fasömbata, ba la'o'õ gofanõwa note zinunõ (irama lagu).Fatua lõ möi ira wolohe fõna, ba imane Sangai Agendre:)

“Da tafasao wasömbatada andre fõna Lowalangi,.....Muzizio ita fefu.....
Manunõ ita moroi ba Mbuku Zinunõ numero 261

261. YA'E ZUMANGE ¹

Ira'alawe □

1. Ya 'e zumange fasömbata, ma ' ohe sumange Yehowa.

Iramatua

- Reff* : Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi dödö-U.
Reff : Ma'andrö khö-U
 6. Ya'e zumange fasömbata, ma' aohasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiatan Komisi Bapak (Koor/Vokal Grup)
 - c. Kegiatan Koremda
 - d. Kegiatan sektor 3 (Koor/Vokal Grup)
 - e.

9. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi **II Korindro / 2 Korintus 4:5-12 (Tuho Migu: Fa'abölö Moroi Khö Lowalangi/Kekuatan Berasal dari Tuhan)**
 - b. Fanuriaigö
 - c. Nitanö ba dödö. **II Korindro/2 Korintus 4:7b (Ena'ö khö Lowalangi, wa no fahöna wa'abölö, ba böi moroi ba khöma. / Bahwa kekuatan yang melimpah-limpah itu berasal dari Allah, bukan dari diri kami.)**
 - d. Fangandrö Fanga'aro'ö huhuo

- SATO** : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So ' aya.

Tanö ba dödöma ia, fa böi olifuga.
 Fahowu 'ö ia khöma, ena 'ö ohahau dödöma fefu.
 Heta ba dödö zi lö sökhi, ma'o 'ö niwa 'ö-U.

11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** : ❖ Ya'ö mamati khö Lowalangi Ama si lö ambö fa'abölö, somböi banua si yawa awö danö.
 ❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

- 13. SA** : Da tafondrongo gangombakhata:.....

14. MANUNÖ

- SA** : Manunö ita moroi ba Mbuku Zinunö **numero: 204 ayati 1-2**

204. NO SO WANGABÖLÖGU 1

do = bes 3/4

MM = 96 - 104

1. No so wangabölögu, nibè Zo ' aya Yesu.
 Famatigu khö-Nia ba wanöndra sindruhu.
 He na matedo dania, utötöna wa so Ia.
 Isusugi ndra'odo, Ifasao ba zorugo.
2. Ha fa'omasi Yesu, zi möi fangorifigu.
 Fa'omasi sindruhu, wa ohahau dödögu.
 Dozi samati khö-Nia, Ifasao, I' ohe danga.
 Ifatörö ba haga ba lala khö Zo' aya.

15. FANGANDRÖ SALAHI + FAMATENGE + HOWUHOWU

- SH** : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :
- SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu
- SH** : **FAMATENGE + HOWUHOWU** :
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero 204 ayati 3

204. NO SO WANGABÖLÖGU ₁

do = bes 3/4

MM = 96 - 104

3. So' aya zangaro' ö, tötönafo dödöda.
Sangabölö ya' ita, sanganau' ö ölöda.
Ibè madala si haga, fanötöna si lö taya.
Na no tarugi Nama, ba omuso dödöda.

SH : YA'AHOWU

SATO : YA'AHOWU